





colorchecker CLASSIC



x-rite

mm

0 cm 1 2 3 4 5 6 7 8 9 10 11 12 13 14 15 16 17 18 19 20

FRANCIS



1649


L'ECCHO LUGUBRE DE LA

FRANCE




1649

FRANCE










M. 12849.

Cat. Moreau,

No 1180.



276

L E C H O
L V G V B R E
DE LA FRANCE,
A V E C L' O P P R E S S I O N
de la ville de Paris.

Et les ruses du Renard Sicilien descouvertes.



A P A R I S,
Chez I A C Q V E S G V I L L E R Y, rue des Sept-
Voyes, deuant le Colleege de Fortet,
proche Mont-Aigu. 260

M. DC. XLIX.
A V E C P E R M I S S I O N.

J. F. C. H. O.

L. V. V. B. R. E.

L. A. I. R. A. M. C. T.

A. V. I. D. I. O. V. N. T. S. T. O. N.

de la ville de Paris

de la ville de Paris



P. A. R. I. S.

M. DE VES G. V. L. L. E. R. Y., intendant

de la ville de Paris

de la ville de Paris

M. DE VES

de la ville de Paris



L' E C H O
 L V G V B R E
 D E L A F R A N C E,
 A V E C L' O P P R E S S I O N
 de la ville de Paris.

Et les ruses du Renard Sicilien descouvertes.



Oute cette grande Monarchie retentist au-
 iourd'buy de ce pitoyable Echo : Le Roy est
 enleué du cœur de l'Estat. Ne m'appellez plus
 l'agreable, appelez-moy la desolée & pleine
 d'amertume: i'estois comblee de biens, mais ie me vois
 depourueüe des necessitez de la vie, puis ie dire apres la
 belle mere de Ruth dans l'Histoire Sacree: C'est le
 vray sentiment de ma iuste douleur, puisque l'on m'a ra-
 uy mon Roy & mon Epoux tout ensemble, & par vn
 complot pernicious, & vne malice estudiee depuis long-
 temps, l'on veut oster à mes Enfans les moyens de viure
 & de subsister: Action si detestable, & crime tellement
 noir, qu'il a fallu que son autheur le Cardinal Mazarin
 aye cherché le voile de la nuit pour en couvrir l'enor-
 mité, le Soleil eust eclipsé sa lumiere, ou rebroussé sur

4

ses pas, s'il eust attenté de faire esclorre cette perfidie en plein iour. Il ne faut pas s'estonner si ce lasche Sicilien imite le Prince des tenebres en cette action si noire, puisqu'il luy sert de suppost, ayant entrepris d'acheuer de perdre cet Estat que son predecesseur le Cardinal de Richelieu, dont il fuit les ambitieuses maximes, auoit desia mis en desolation. Ne scait-on pas que les Siciliens ses Compatriotes en font les ennemis iurez? & qu'au son des cloches par vn funeste signal ils esgorgerent iusques à 30000. François sous le Roy Philippe troiziesme dit le Hardy. Qui peut douter que ce Partisan affidé de l'Espagne dont il porte si fortement les interets, n'ayt contre nous vne haine hereditaire aussi bien qu'Hannibal contre les Romains, veu qu'estant armé de pouuoir dans l'vsurpation de l'authorité Royale, il s'est approché de Paris pour l'affamer beaucoup plus prez, que le mesme Hannibal victorieux ne fist iamais de Rome? Ah! que de Caïns ont esté suscitez contre des Abels innocens par cet esprit animé de vengeance? qu'il prend plaisir de voir mes entrailles deschirees, & la pureté des lys souillée par mes Enfans armez les vns contre les autres, & qu'il voudroit voir les campagnes rougies de leur sang, pour donner cependant beau jeu aux Ennemis de ce Royaume, qui n'ont peu rien gagner iusques à present que de la honte & des coups. Et certes qui ne voit que la Prouidence Diuine qui m'a tousiours pris en sa protection, n'ayt ruiné les desseins de ce malheureux Ministre? telmoing le siege de Lerida, qui s'alloit rendre s'il eust enuoyé gens & argent pour secourir ce Prince qui est aujourd'huy son appuy, telmoing le siege de Courtray où tant de soldats François furent immolez à la fureur des Ennemis pour auoir donné ordre au Comte de Paluau Gouverneur de cette place là d'en sortir avec 2000. hommes. Trahison depuis recompensee du Gouvernement d'Ipre; telmoing encore la derniere bataille de

5

dé Lens, où il a fallu combattre l'armée ennemie beaucoup plus forte que la nostre; enfin nous n'avons succombé jusques à present, c'est vn coup du Ciel qui a ruiné sa conduite, qui ne tendoit qu'à nostre perte. Dire-t'on qu'il a fait triôpher les armes du Roy dâs l'Italie? que le Marechal de la Meilleraye à pris par les ordres Portolongone & Piombino? qu'il a porté la terreur en ce païs par les sieges d'Orbitello & de Cremone, & que par son industrie le Duc de Modene a espoué nos interets par la jonction de ses armes? qu'il a fait reuolter le Royaume de Naples contre le Roy d'Espagne son Souuerain, & que par ce moyen le Viceroy D. Iuan d'Autriche fut chassé de Naples, ou Monsieur de Guise fut introduit, & receu comme vne divinité des Neapolitains, qui se tenoient tres-beureux d'estre affranchis du joug insupportable des Espagnols? Mais il n'y a point d'esprit si grossier, qui n'ayt veu que toutes ces levées de bouclier ne seruiroient que pour faire la diversion des armes du Roy, qui ne pouuoient estre mieux employées qu'en Flandres, pour éloigner la guerre qui est presque à nos portes, & par vn puissant effort asséurer les conquestes que nous auons fait sur les ennemis? qui ne sçait que les sieges d'Orbitello & de Cremone, ont esté leuez honteusement faute de gens & d'argent? qui ne sçait encore que ceste belle guerre de Naples, s'en est allée en fumée faute d'auoir enuoyé vne puissante armée au Duc de Guise pour seconder & faire reussir les desseins à la gloire de cét Estat? Ne sçait-on pas bien que nostre armée Nauale ne bougea iamais de Toulon, sous pretexte que la mer & les vents estoient contraires, bien loin de secourir ce Prince dans Naples, & forcer les postes que les Espagnols auoient saisis à l'entour de ceste ville? L'armée Nauale d'Espagne estoit en telle posture, à couuert de Castel-nouo, & du Chasteau saint Elme qu'ils occupoient, qu'on ne les pouuoit attaquer sans danger. Nous

voyons auourd'huy par experience que ce Cardinal sans titre, qui ne s'est fait naturaliser en ce Royaume que pour le perdre, afin d'y posseder les plus beaux benefices, épuiser les Finances, & exiler nos Justes en Italie, veut que Paris serue de theatre pour y jouter la mesme tragedie que l'on a veu à Naples; que la faim, le fer, & le feu, soient les funestes instrumens pour satisfaire la vengeance, & assouvir sa cruauté: que pour cet effet il a fait venir les troupes qui estoient en garnison sur les frontieres pour destruire vn peuple qui est dās l'oppression depuis trente ans sans le plaindre. Nous voyons encore que cet auare insatiable a fait seruir nos tresors afin d'achepter à Rome le Palais de Montalte, vn Chapeau de Cardinal à feu son frere, moyennant cinquante mille escus, le droit de Bourgeoisie à Venise, & la Principauté de Strozzi près de ceste ville là. En fin que voyons nous? vn Parlement tres-innocent, l'honneur de cet Estat, que l'on veut faire passer pour coupable, pour en auoir voulu reparer les desordres: Vn peuple iustement armé pour la deffense de sa vie & de sa liberté, que l'on luy veut rauir par vn blocus iniuste. Nostre Roy enleué deux heures apres minuit dans l'innocence & la tendresse de ses plus belles années. Vne Reyne sa mere qui l'a mis au monde par miracle, aussi bien que Monsieur son Frere, aymer mieux voir ce Royaume en danger euident, que de souffrir l'esloignement d'vn detestable tyran, vn premier Prince du Sang, estre tombé dans vn semblable sentiment, & vn autre Prince qui seroit plus estimable que Cesar, s'il n'auoit leué comme luy les armes contre sa propre patrie, auoir pris le party de ce perturbateur du repos public, pour attirer sur soy la hayne vniuerselle des peuples, & ternir le lustre de ses actions passées. Sera-t'il dit que ceste nation tousiours victorieuse parmy les autres, ayt eu le mesme sort que l'Empire Romain, qui ne fust vaincu que par ses propres ar-

mes dans la guerre civile ; que les estrangiers se moquent de nous , voyans que les puissances supportent celuy qui merite d'estre exterminé de tout le monde, puis qu'il a rauy la paix exterieure & interieure , au dehors & au dedans de ceste Monarchie , & qu'il tesmoigne vouloir abolir le Parlement, qui est le chef d'œuvre de nos Roys. Enfin qui voudroit comme ce cruel Empereur Romain, que tout Paris n'eust qu'une teste pour l'abbatre d'un seul coup. Mais il est à esperer que Dieu confondra ses desseins , qu'il lancera le foudre de sa vengeance sur sa teste criminelle , & qu'il rendra contre luy en nostre faueur un Arrest plus sanglant que celuy du Parlement , qui luy faisoit plus de grace qu'il ne meritoit. Armez vous donc peuples François, & venez soulager l'oppression de Paris, qui est le chef & le cœur de cet Estat. Assurez vous que si ceste ville capitale venoit à perir, selon les intentions pernicieuses des Mazarins, les autres villes exposées à leurs brigandages, suiuroient bien tost le mesme bransle dans vne commune ruine.

FIN.

